

1584.

CARMEN PROPEMPTICON,

INDISCESSVM

PIETATE INSIGNI, DOCTRI-
NA ELEGANTI, LECTISSIMIS MO-
rum ornamentis, amplissimaq; prudentia laude orna-
tissimi viri D. *ANDREAE SAROSII*, post fe-
licem studiorum suorum mercaturam, & peregrinatio-
nem non sine graui consilio susceptam, utilitate autem
singulari peractam, e celeberrima *VVitebergensiur*
Academia in Patriam VNGARIA Mre-
currentis, D. ac fratris sui caris-
simi, scriptum

AB

ISAAC FEGVERNEKINO.

Anno nouissimi temporis

Matth. 8. ver. 25.

DISTICHON NVMERALE.

FLVCTIBVS In peLagi tVa ChrIste CarIna fatIscIt,
Ergo ManV teneas LIntea tVta ratis.

Anno M. D. LXXXIII.

Andr: Sarosius Vngarus
fratri suo Gantib: Dugob



Racia ludorum magno splendore frequen-
tes

Mercatus passim, quò tota venire solebat
Terra Pelasga, suis agitabat in urbibus o-
lim.

In quibus hos verè simulacra leuissima
laudis,

Corporis externi validis querenda lacertis,
Vexabat miseros, popularis & aura regebat,
Corpora quam propter praecuta dura bipenni,
Prævisq; neci dare dilanianda solebant:
Sauum hominum genus, & Libycis truculentius vrsis,
Quod propè de lana solitum certare caprina,
Non secus ac taurus tauro commissus anhelus
Corruit, indignam trahit & per vulnera mortem.

Illi venales quò possint vendere merces,
Obstreperi Diuis periuria dira vomebant:
Scilicet indigni specioso nomine & isti,
Quos homines dicas, cum verius esse putentur
Sordida colluicis, quæ fas patrare, nefasq;
Pro libito nihili ducit, modò ventris obesi
Pinguis aqualiculus, nullo prohibente repletus,
Sollicita cura, vaga per molimina terra
Perreptata, maris vel littora perfida circum
Congestis opibus possit traducere vitam.

Tertia classis erat, nulli, nisi conscius is sit,
Cognita, liberior, quam non tangebatur inanis
Gloria, nec lucris inhiare solebat auaris:
Huc illuc agiles verum voluebat ocellos,
Obuia quæq; notans, imissq; infixæ medullis,



*Omnia sollicito repetebat pectore facta,
Moribus atq; animum varijs tingebat honestis:
Quin exempla bonos etiam condebat in vsus.*

Noxia, quæ multis poterant dare damna videri.

*Qualis apes dulci stipat dum nectare cellas,
Floriferas perreptat opes, benevolentia prata,
Et tenues aur. as suauicula cum murmure miscet,
Rura colit, croceoque pedes onerante colore:
Nunc his, nunc illis florentibus insidet herbis,
Et succum, qui sit longè gratissimus, haurit,
Seu sint lethifera, seu sint felicius orta.*

Sic genus hoc hominum, quod honestum & inutile cernit,

*(Illud ad extremos habitabilis orbis alumnos,
Secundum, pariter fugiendum hoc pectore toto)
Precipit, & reserans Augusta oracula mentis
Congestas dispertit opes, quibus indiget vsus.*

*His hominum magnis conuentibus haud putat esse
Absimilem vitam, quæ nobis viuitur ipsis,
Pythagoras Samius, toto celeberrimus orbe:
Huius enim tota mundi compage patentis
Fama alios, alios fluxis seruire videbat
Diuitijs, tereti quas Fors innixa cylindro,
Haud prestans virtus, animi quærenda labore,
Largiri solita est studij peioris alumnis,
Sed quos sollicitos variarum indagine rerum
Improbæ naturæ morderet cura latentis,
Tanto de numero sapientum nomine dignos
Paucos censebat, studijs melioribus auctos.*

*Tu quoque, fraterno mihi more colende sodalis
ANDREA, Vngariæ (Dijfaxint) magna future*

Gloria,

*Gloria, SAROSII Patria de nomen adeptæ,
Editus in lucem, quæ nos circumfluit omnes,
Venisti in mundi speciosa theatra capaci,
Sicut in Argolicam, totoque, ~~maximè~~ orbe
Collectam: simul ac in qua tibi contigit vsus.
Mentis, & humanae rationis, & ore tenellam
Imbellis blando formasti gutture vocem,
Prouida te sacris dicat illic cura parentum,
Vt quæ iudicio Samij laudatus ab acri,
Ordo suis pedibus vestigia fixerat antè
Insequerere, breuis donec tibi vita maneret,
Seu sic Fatorum nunquam violabilis ordo,
Seu sic poscebat propensa paterna voluntas.*

*Mercibus inde tuum, sola nisi Pallade dignis,
Conferere ingenium, velut aruum semine pingui
Incipis, Agricolas primis imitatus ab annis:*

*Illi vere nouo, niuibus, canisq; pruinis
Depulsis, nimioque gelu tellure soluta,
Semina læta suis condunt præpinguibus aruis,
Tandem maturas segetes ubi fecerit æstas.
Et Canis inter se percoxerit arua calore:
Horrea triticea complent cerealia messe:*

*Sic tu, dum studijs melioribus apta bibendis
Tempora prima fluunt, aciem de promissis acutam
Ingenij, & sulcis suppresso vomere factis,
Instillas animo, atq; nouas in mente figuras
Concipis, & molis fundamenta prima futura,
Intensis animi neruis in pectore condis.*

*Hæc sunt illa tua feliciter indita menti
Semina, facta seges, quæ certo tempore tandem:*

A 3

Cruere,

Creuere, atq; suum mox perfudere colonum
Lacitia, laudemq; suo peperere perennem
Agricola, fuluo qua sit preciosior auro.

Hac animi cultura viam patefecit, ut istud
Ingredere iter, Clarijs penetrabile Musis,
Posthabitaq; leui celebrati nominis aura,
Insano applausum vulgi captante furore:
Diuitiasq;, quibus mens penè exastuat omnis,
Quarenda cæca flagrante libidine pulsa:

(Quæ duo quam multis etiam modo corda fatigant:)
His hominum emporijs, totum amplectentibus orbem
Emtori mercis tibi lata veniret opima
Sors, & Castalio, Cane vulgo peius & angue
Exoso, fluidum biberes de fonte liquorem.

Ac velut in celebri per compita lata viarum
Mercatu, cuius tentoria perita circum
Plurima tenduntur preciosa merce referta:
Omnibus vnus enim non est locus aptus emendis
Mercibus, atq; penu non omnia suggerit vnum,
Vestibus Attalicis Tyrio subtegmine fultis,
Sydoniaq; alibi saturata murice palla
Materies, alibi maculosa tegmina lyncis,
Villosumq; lupi spoliū, exuuiæq; leonis,
Et quæ præterea nobis mora longa referre est,
Venduntur patulis camerata in fornice portis,
Atq; alijs alius vendendis mercibus adstat
Institor, ut quosuis inuiter voce procaci.

Haud aliter Diua clarissima dona Minerue
In studiis contenta sacris, & in arte magistra,
Non uni solum, licet is sit mente sagaci,

Sunt

Sunt adstricta viro, gentiq;, vrbiq;, locoq;
Libera sed claro sub viroq; iacentia Phæbo
Regna petunt, & quas lucente occasus & ortus
Lampade subiectas cælo circumspicit oras,
Nullo vincita iugo, nec fune ligata pererrant,
Et tanto quas est dignata Minerua favore
Nunc his, nunc illis, plenissima mercis opima
Sedibus, auratis trabibus tentoria figit.

Hellada credibile est (testis si est aqua vetustas)
Hospitium doctæ fidum tribuisse Minerue,
Squalida cum facie viridante priore relicta
Turba vagaretur passim errabunda Sororum.
Cumq; suum ad Graios ore, ingenioq; valentes,
Sublatam toto transferret munus ab orbe.
Tunc primum celebris rupere silentia fame
Oppida in Argolicis regalia condita terris,
Et quæ tota patet terra ardua machina multis
Nobilitata viris tunc accepere trophæa.

Hoc Plato Cecropius diuinum fonte liquorem
Hauferat, hoc meruit nunquam delebile nomen.

Hæc & Aristoteles Stagiraus merce Minerue
Ditatus fuerat, Samius sua dogmata in istis
Emerat emporijs: Hæc mercatura disertum
Fecerat Ascræum vatem, per membra quietem
Montis Apollinea capientem per iuga summa.
Non erat his expers opibus diuinus Homerus,
Multijuga historia vastum pelagusq;, parensq;
Castra secutorum qui millia multa Dearum,
Pascit adhuc hodie, letho licet obrutus atro.
Hæc nunc dinarum magna est quoq; copia facta,

Euripidi,

Euripidi, atq; alijs celebres, quos fecit in orbe
Ingenium, virtus, vis, eloquiumq; disertum,
Trecia patulam qui compluere Poësi
Solis utramq; domum, quam fert occasus & ortus.
Palladis hæc dotes, mercisq; fucere propola
Illo, quo fuerat nullum felicius æuum,
Tempore, quoue viri multi viguere potentis
Non minus eloquio, quam mentis acumine clari,
A quibus est veluti doctrina canalibus omnis
Vtilis humano generi diducta per orbem.

Hæc quoq; Castalijs fontis, Graciq; liquoris
(Seu quia sic fatum, seu sic voluere Sorores)
Irrigat imperium tandem scaturigo Latinum,
Romuleamq; urbem, domiti caput orbis, & agros
Ausonios, patria patris hoc Ciceronis ab imbre
Hortus, & eloquij diuino flumine tincta
Lingua diserta fuit, Patavinæq; urbis alumnus,
Conditor historia natorum è gente Quirini,
Virgilius, Naso, Iuuenalis, Horatius, Aulus
Persius, & quorum manibus monumenta teruntur,
Hæc omnes patula merces emere taberna.

Sed ne longa sitis tot iam tolerata per annos,
Conficeret gentes alio sub sydere natas,
In tua Pierides, Germania, regna Sorores,
Atq; tuas merito celebranda nepotibus vrbes,
Gallia, diues agris, sed acumine ditior ipso.
Et quas nunc fidei commendat purior vsus
Cum fida Charitum transmigrare corona.
Hinc latus Aonidum passos hirsuta capillos
Intemerata fides, illinc facundia lingua

Hebræa

Hebræa veteris, Graia, Latiq; diserta
Cingit, ponè fuga, posito splendore priori
Accincta lumbis, artes comitantur euntes.
Non secus ac calidis examina densa diebus,
Aëra per medium magnum glomerantur in orbem,
Ductoremq; suum mox non inuita sequuntur.

Tandem naufragio & puppis quassata Dearum,
Pannonis incolumis factas quoq; venit ad oras,
In quibus hoc etiam, quamuis fera bella minentur,
Tempore difficili, fida statione potitur.

His tibi in emporijs primùm, cultissime frater,
Empta fuit patrijs merx ingeniosa Mineruæ:
Emporium Patachina fuit schola, merx fuit artes,
Institor, Vngaria columen dum fata sinebant,
Fabritius, cuius leuiter nunc ossa quiescunt.
Hinc opus inceptum clarissimus ille Michaël
Paxius, extremum cuius laus venit ad orbem,
Et Caesar, Patria iam iam decus ille ruentis,
Caesar, Pieridum laus & tutela Dearum,
Excipit: hinc Paulus Szegedina gloria terra,
Matthiasq; vicem suppleat Thoraconymus, ambo
Eximij, vigiles, & Palladis arte politi.
Ille quidem patriam, caelestia regna, petiuit,
Hic verò, dubium est, utrum maiore labore,
An fructu, inceptum videatur ducere pensum.
Assiduus, pretium, labor est, conceptaq; vota,
Fama virens, animæq; salus, laus, gloria, lucrum.
Sed quia Castalidum merx est peregrina Sororum
Dulcior, aut alijs fortè est opulentior oris,
Vadis iter, patriæq; procul tellure remotus,

B

Germanas

Germanas perquiris opes, & ad Albidos undam
Tergemino cinctus Kazæo fratre Ioanne
Pergis, Leucoream saluſq̄, appellis ad urbem,
Huc, ubi Martini primum tuba fida Lutheri
Inſonuit, duce quo, fido auxiliante Philippo,
Corruit Hesperij blaſphema potentia Papæ.

Et iam ſigna ſuo bis Sol numerabat in axe,
Cum te ſollicito voluentem pectore lapſos
Temporis articulos, nunquam ſaturata libido,
Ingenio præſtante viros, urbeſq̄, videndi
Inceſſit, rapidiſq̄, iubet dare carbaſa ventis,
Hiſq̄, vetat noſtris nobiſcum viuere in oris.

Perge (nec inuideo) Chriſto duce, purpureum ver
Suadet idem, Frater Theſæo iuncte fauore,
Carpe viam felix, Vitum, fratremq̄, Ioannem
Tergeminum medium, noſtra à regione remotum,
Saluere, atq̄, mei quondam meminiffe, iubero.

Et cum non parua voti ſit parte locandum,
Eximios vidiffe viros, quos fertilis ætas
Noſtra tulit multos, quibus eſt merx ſacra Mineruæ
Credita: donandos rude quos tibi clara Tubinga,
Aut Tigurum dederit, peramica voce ſaluta.

Poſt ubi longa via ceperunt tædia mentem,
Præclaroſq̄, viros, urbes, opulentaq̄, regna
Luſtrâſti, populos, mores, & iura togata
Cognôſti, & magno poſtquam merx multa labore,
Eſt tibi in ignota cæli regione coëmta:
Ad noſtros iterum laſſo pede flecte penates,
Lora frementis equi, noſtraſq̄, reuertere ad oras
Incolumis, patriamq̄, tuam (ſententia ſi ſtat,

Et ſi

Et ſi fata vetant ſtudia ultra iungere noſtra)
Pannoniam, niuea cinctus comitante caterua
Cælico ſum, dextro pete numine, & omine dextro,
Vt quos imprimis tua mens deſiderat, omnes
Conſpicias ſaluos, & opima pace fruentes,
Et quas diuerſo peregrinus in orbe parâſti
Diuitias, longo diffundere tempore poſſis.
Vt tibi fortuna meliore, & honoribus aucta,
Cum datur hinc patrios curſum mihi flectere ad agros,
Gratuler, antiqui & fædus renouemus amoris.
Interea patria (quid enim niſi vota feramus)
Perge, ſauente Deo, ſaluum te ſiſtere, perge.



T V B I N G Æ,
Apud Alexandrum Hockium,
M. D. LXXXIII.